

Innbyding til open anbodskonkurranse:

Snøbrøyting, og opsjon for strøing, av kommunale vegar

Voss herad, perioden 01. januar 2020 – våren 2022 (2,5 år) med opsjon på forlenging til våren 2024 (1+1 år)

Verksemder og enkelmannsføretak vert med dette oppmoda om å gje tilbod. Gardbrukarar og andre føretak med lokal tilknytning til dei ulike brøyterodene vert særleg oppmoda om å gje anbod.

Tenestene er primært basert på kontrakt om betaling for utførde timeverk. Anbudet omfattar også vegar der Voss herad har avtale om vintervedlikehald for andre.

Det vert eit orienteringsmøte i kommunestyresalen på Voss tinghus, **tysdag 8. oktober 2019 kl. 1930**, der er ein vil gå gjennom anbodsdokumenta og svare på spørsmål.

Det vert vist til utlysinga i www.mercell.no og www.doffin.no. Anbodsdokumenta kan ein få ved å venda seg til Servicetorget i Voss Tinghus telefon tlf. 56519400 eller på e-post til postmottak@voss.kommune.no.

Tilbod må sendast/leverast i korrekt form innan 15. oktober 2019 kl. 12.00 jf. pkt. A.6 *Krav til innleverte anbod*

A.	ANBODSREGLAR	4
A.1.	Orientering - omfang av anbudet	4
A.2.	Generelle anbudsreglar.....	4
A.3.	Kvalifikasjonskriteria	5
A.4.	Krav til kvalifiserte føretak	5
A.5.	Avvising av anbud.....	5
A.6.	Krav til innleverte anbud.....	5
A.7.	Vedståingsfrist.....	5
A.8.	Val av tenesteytar, tildelingskriteria.....	5
B.	AVTALEDOKUMENT	7
B.1.	Partane	7
B.2.	Avtalte tenester.....	7
B.3.	Avtalt vederlag	7
B.4.	Overføring av kontrakten til andre	7
B.5.	Offentlegheit.....	7
B.6.	Heving av kontrakten	8
B.7.	Tvist.....	8
B.8.	Vedlegg	8
B.9.	Signatur	8
C.	KRAV TIL TENESTEY TAR.....	9
C.1.	Kompetanse	9
C.2.	Tilhøve til anna lovverk	9
C.3.	Rekneskap, skatt og meirverdiavgift.....	9
C.4.	Helse, miljø og sikkerheit (HMS)	9
C.5.	Forsikring	9
C.6.	Underleverandør.....	9
C.7.	Krav til løn	9
D.	KRAV TIL MASKINAR OG UTSTYR	10
D.1.	Generelt	10
D.2.	Minimumsutrustning brøyting.....	10
D.3.	Minimumsutrustning strøing.....	10
D.4.	Kommunal plog eller anna strø- og brøyteutstyr	10
D.5.	Dispensasjon frå vegtrafikklova.....	10
D.6.	Arbeidsvarsling	11
E.	VILKÅR FOR TENESTA OG GODTGJERSLE	12
E.1.	Tenestenivå /kvalitet	12
E.2.	Representant for Voss herad	12
E.3.	Plikt til å undersøke og overvake	12
E.4.	Val av utstyr og metode	12
E.5.	Kontaktinformasjon/ tilgjengelegheit.....	12
E.6.	Skadar.....	13
E.7.	Godtgjersle for brøyting og strøing.....	13
E.8.	Beredskapstillegg	13
E.9.	Fakturering og betalingsrutinar	13
E.10.	Kontroll av tenestenivå.....	13
E.11.	Indeksregulering.....	14
E.12.	Manglar og misleghald.....	14
F.	STRØ- OG BRØYTEINSTRUKS 2020 – 2024.....	15
F.1.	Sesong	15
F.2.	Brøyteinstruks	15

F.3.	Måling av snødjupn.....	15
F.4.	Strøinstruks.....	16
	(Gjeld ikkje dersom det ikkje vert løyvd midlar til å gjere gjeldande opsjonen for strøing)....	16
G.	VEDLEGG.....	17

A. ANBODSREGLAR

A.1. Orientering - omfang av anbudet

Omfang av anbudet

Anbudet omfattar snøbrøyting for avtalte rodar for Voss herad etter den brøyteinstruksen som til ei kvar tid gjeld. Tenesta skal tilbydar/brøytar gjennomføre i eige føretak og med eige utstyr. For tenesta skal Voss herad betale avtalte timesatsar som tilbydar/brøytar fakturerer etterskotsvis kvar månad.

Anbudet omfattar brøytesesongen i perioden 01. januar 2020 – april 2022 (2,5år) med opsjon på forlenging i 1 + 1 år. Sjå brøyteinstruks Kap. F m.o.t. brøytesesong.

I tillegg omfattar anbudet sandstrøing (som opsjon) etter den strøinstruksen som til ei kvar tid gjeld. Tenestevilkår og kontraktperiodar gjeld tilsvarende som for snøbrøyting.

Om opsjonar

Opsjonen på sandstrøing inneber at tilbydar vert oppmoda om å gje tilbod.

Vidare har ein vald å gjere kontraktane som vert inngått gjeldande i 2,5 år (sesongar), med ein opsjon som gir Voss herad einsidig rett til å forlenge kontrakten med ytterlegare 1 +1 år. Dette gjer ein for å sikre at ein ikkje er bunden av kontraktar ein har vanskeleg for å etterleve dersom det oppstår ukjende endringar av vesentleg omfang. Avgjerd om å gjere opsjonen om forlenging gjeldande vil verte gjort høvesvis innan 1. juli 2022 og 1. juli 2023.

Om beredskapstillegg

Etter ei samla vurdering har ein kome fram til at ein beheld ordninga med beredskapstillegg, men at denne vert fastsett på førehand av Voss herad. Den vert såleis ikkje del av vurderingskriteria ved tildeling av anbud. Beredskapstillegget vert sett til kr 2 575,- ekskl. mva pr. månad pr. kontrakt i brøytesesongen. Dersom ein t.d. har kontrakt for fleire rodar, eller for både snøbrøyting og strøing i ein rode, vert det likevel berre rekna eit beredskapstillegg.

A.2. Generelle anbudsreglar

Lov om offentlig anskaffingar og underliggende forskrifter gjeld for innhenting av anboda.

I anbudsprosessen er partane nemnd "Voss herad" og "tilbydar"

Tilbod skal innleverast for ei eller fleire roder. Tilboda vert rekna som enkeltstående tilbod for kvar enkelt rode. I tillegg kan tilbydar levere alternativt tilbod der ein gir pris på ei eller fleire rodegupper, jf. vedlagde rodeliste. Alternative tilbod kan berre leverast for roder der ein også har levert ordinert tilbod.

Anskaffinga blir gjennomført i samsvar med lov om offentlige anskaffelser av 17. juni 2016 (LOA) og forskrift om offentlige anskaffelser (FOA) FOR 2016-08-12-974. del I og del III.

Kontraktstildeling vil bli gjort etter prosedyren open anbuds konkurranse, jf. FOA § 13-1(1).

I denne konkurransen er det ikkje høve til å forhandle. Det er følgeleg ikkje høve til å endre tilbodet etter tilbudsfristen har gått ut. Vidare blir det gjort merksam på at tilbod som inneheld vesentlege avvik frå anskaffingsdokumenta, skal avvist etter forskrift om offentlige anskaffelser § 24-8(1) b. Oppdragsgivar kan avvise tilbod som inneheld avvik frå anskaffingsdokumenta, uklare punkt eller liknande som ikkje må reknast som uvesentlege, jf. § 24-8(2) a i forskrifta.

Leverandøren blir derfor på det sterkaste oppfordra til å følgje dei rettleiingane som blir gitt i dette konkurransegrunnlaget med vedlegg og eventuelt stille spørsmål ved uklare punkt per e-post til kontaktperson.

A.3. Kvalifikasjonskriteria

Føretak som kan godkjennast for å vera med i konkurransen om strø- og brøytekontrakt må stetta fylgjande kriteria:

- Føretaket skal ha levert skatteattest som viser at verksemda ikkje har ubetalt skatt
- Føretaket skal ha levert HMS-eigenerklæring (gjeld berre for verksemdar med tilsett/tilsette)
- Føretaket skal ha levert eit komplett tilbod i samsvar med dei krava som er skildra i anbodspapira

A.4. Krav til kvalifiserte føretak

Berre føretak med organisasjonsnummer kan gi tilbod. Desse kan vere Enkeltmannsføretak, DA, AS, ANS, eller andre føretak registrert i føretaksregisteret eller tilsvarande i EØS området. Dersom ev. underleverandørar inngår som grunnlag for tilbodet gjeld krava til kvalifiserte føretak også for desse og skal dokumenterast like fullt.

Tilbydar må kunne dokumentere at føretaket har tilfredsstillande økonomi og kompetanse for å utføre tenestene han gir tilbod på. Som del av tilbodet skal tilbydar gjere oppgåve over relevant formell kompetanse, yrkeserfaring, tidlegare oppdrag og ev. referansar.

A.5. Avvising av anbod

Voss herad tek atterhald om plikt/retten til å avvise:

- Tilbod som kjem inn til Voss herad etter anbodsfristen, eller tilbod som vert levert i feil form (t.d. e-post).
- Tilbod som ikkje er i samsvar med førespurnaden eller frå tilbydar som ikkje stettar krava til kvalifiserte føretak.
- Tilbod med urette og/eller manglande opplysningar/dokumentasjon.
- Viser elles til "Forskrift om offentlige anskaffelser"

Voss herad tek atterhald om retten til å forkaste alle tilbod på eit sakleg grunnlag.

A.6. Krav til innleverte anbod

Tilbod skal leverast i Mercell eller lukka konvolutt merka "Tilbod snøbrøyting/strøing" til Servicetorget i Tinghuset eller sendast til Voss herad, Postboks 145, 5701 VOSS.

Frist for innlevering av tilbod er 15. okt. 2019 kl. 12.00

Korrekt tilbod gir ein ved å sende eller levere inn fullstendig utfylt;

- Prisskjema, skjema vedlagd
- Oppgåve over maskinar og utstyr som skal nyttast i tenesta, skjema vedlagd
- Oppgåve over kompetanse for føretaket, skjema vedlagd
- Skatteattest. Attest skal ikkje vere meir enn 6 mnd. gamle
- HMS eigenerklæring, skjema vedlagd (gjeld berre for verksemd med ein eller fleire tilsette)
- Tilsvarande opplysningar for ev. underleverandørar

A.7. Vedståingsfrist

Tilbydar må vedstå seg tilbodet i to månader rekna frå frist for levering av tilbodet.

A.8. Val av tenesteytar, tildelingskriteria

Først vert dei ordinære tilboda vurderte, rode for rode. Etter dette vert alternative tilbod for rodegrupper vurdert mot tilsvarande tilbod på einskild roder. Voss herad innstiller på det totalt mest fordelaktige tilbodet i forhold til tildelingskriteria.

Fylgjande tildelingskriteria vert lagde til grunn:

Vekting:

- Pris 75 -90 %
- Kapasitet og kor eigna utstyret er 10 – 25%

Ved eventuelle tildeling av strøkontrakt vert det tillagt vekt dersom tilbydar alt er tildelt kontrakt for snøbrøyting.

B. AVTALEDOKUMENT

Skal ettersendast dersom kontrakt

B.1. Partane

Denne kontrakten regulerer alle tilhøve mellom partane i kontraktperioden, også i ei ev. forlenging dersom Voss herad gjer opsjonen på forlenging av gjeldande.

Når kontrakten er inngått, og så lenge kontrakten gjeld, er partane å sjå på som to profesjonelle partar, og vert nemnd "Voss herad" og "Tenesteytar".

Voss herad:

Tekniske tenester, driftsavdelinga

Pb 145

5701 VOSS

Org nr: 960510542

v/rep Arne Reime

Tlf. 97 99 71 61

arne.reime@voss.kommune.no

Tenesteytar:

Føretak: _____

Adr: _____

Postnr, Stad: _____

Org nr: _____

v/rep _____

Tlf: _____

E-post*: _____

* berre dersom e-post vert lest regelmessig!

B.2. Avtalte tenester

Tenesteytar tar etter denne kontrakten på seg å utføre fylgjande tenester for Voss herad:

___ Snøbrøyting av fylgjande roder: _____

___ Strøing av fylgjande roder: _____

___ Anna: _____

___ Anna: _____

B.3. Avtalt vederlag

Voss herad skal betale vederlag for tenestene pr. utført timeverk slik dei kjem fram på

vedlagde prisskjema datert _____

Vilkår for fakturering og indeksregulering jf. kapittel *E VILKÅR FOR TENESTA OG GODTGJERSLE*

B.4. Overføring av kontrakten til andre

Tenesteytar kan ikkje overdra heile eller delar av kontrakten til andre. Dersom tenesteytar endrar selskapsform eller liknande kan Voss herad etter søknad godkjenne at det nye selskapet overtar kontrakten dersom tilhøva etter kontrakten elles er uendra.

Om tenesteytar på grunn av konkurs, eller av andre varige årsaker ikkje lenger kan utføre avtalte tenester, eller oppfylle vilkår sett i kontrakten, fell kontrakten bort.

B.5. Offentlegheit

Voss herad gjer merksam på at ålmenta og andre tilbydarar kan ha rett til innsyn i delar av tilboda i samsvar med lov 19. mai 2006 nr. 16 om rett til innsyn i dokument i offentlig verksemd (offentleglova). Dersom nokon set fram krav om innsyn i eit tilbod vil tilbydaren bli kontakta av Voss herad for å avklara om kva delar av tilbodet som ikkje kan offentleggjerast.

B.6. Heving av kontrakten

Tenesteytar kan heve kontrakten ved vesentleg misleghald frå Voss herad si side.

Voss herad kan heve kontrakten

- ved vesentleg misleghald av vilkår i kontrakten og misleghald slik det kjem fram under pkt. *E.12 Manglar og misleghald*
- pga. konkurs eller andre varige årsaker slik det kjem fram under pkt. *B.4 Overføring av kontrakten til andre.*
- Ved manglande etterleving av eit kvart av underpunkta i Kap C - *Krav til tenesteytar*

Ved misleghald kan Voss herad heve kontrakten med omgåande verknad. Heving av kontrakten skal gjerast skriftleg.

Voss herad kan krevje reforhandling av kontrakten som alternativ til heving.

B.7. Tvist

Dersom det oppstår tvist om forståing av kontrakten skal det søkjast løyst ved forhandlingar.

Dersom forhandlingar ikkje fører fram skal saka avgjerast ved Bergen Tingrett, eller partane kan verta samde om ei avgjer ved skilssdom (valdgift).

B.8. Vedlegg

Omfanget av kontrakten vert vidare fastsett av fylgjande vedlegg:

- Kap A *Anbudsreglar, datert 25.09.2019*
- Kap C *KRAV TIL TENESTEY TAR, datert 25.09.2019*
- Kap D *KRAV TIL MASKINAR OG UTSTYR, datert 25.09.2019*
- Kap E *VILKÅR FOR TENESTA OG GODTGJERSLE, datert 25.09.2019*
- Kap F *STRØ- OG BRØYTEINSTRUKS 2020 – , datert 25.09.2019*
- Kap G *VEDLEGG:*
 - *Vegllster med roder/rodegrupper*
 - *Alle vedlegg innsende med tilbodet*
 - _____
 - _____
 - _____

B.9. Signatur

Ved signering av dette avtaledokumentet gjer partane alle kontraktdokumenta gjeldande. Partane har kvar sitt eksemplar av dette avtaledokumentet og alle vedlegga.

Stad:

Dato: / 2019

Voss herad

Tenesteytar

C. KRAV TIL TENESTEYTAR

C.1. Kompetanse

Tenesteytar må kunne dokumentere at føretaket til ei kvar tid har kapasitet og kompetanse for å utføre tenestene som kontrakten krev.

C.2. Tilhøve til anna lovverk

Tenesteytar er sjølv ansvarleg for at føretaket driv si verksemd og held sitt utstyr og sine maskinar i samsvar med dei til ei kvar tid gjeldande offentlege lovar og reglar for verksemdsdrift og innanfor verksemda sine fagområde.

C.3. Rekneskap, skatt og meirverdiavgift

Tenesteytar er sjølv ansvarleg for å overhalde lovbestemte krav for innlevering av rekneskap og betaling av skatt og meirverdiavgift. Tenesteytar skal utan ugrunna opphald kunne førevisе skatteattest (maks 6 mnd gamal) i heile kontraktperioden.

C.4. Helse, miljø og sikkerheit (HMS)

Tenesteytar er sjølv ansvarleg for å overhalde lovbestemte krav for HMS. Alle tilsette (og personar i føretak med personleg ansvar) skal ha nødvendig opplæring, kurs og sertifikat for å utføre tenesta. Alle maskinar og utstyr skal vere i forskriftsmessig stand og ha nødvendige godkjenningar for å verte brukte i verksemda. Ved alt arbeid på offentlig veg skal ein nytte godt synleg verneklede som tilfredsstillar krava i EN-471, klasse III. Tenesteytar skal utan ugrunna opphald kunne førevisе rapport frå vernerundar og HMS eigenerklæring (vedlegg) i heile kontraktperioden.

C.5. Forsikring

Tenesteytar er sjølv ansvarleg for å halde nødvendig og tilstrekkeleg forsikringsdekning for ansvar og skade som kan verta påført på liv eller eigedom tilhøyrande Voss herad eller tredjepart.

C.6. Underleverandør

Tenesteytar skal normalt utføre tenesta i eige føretak utan underleverandørar.

Ev. underleverandørar skal godkjennast av Voss herad. Det vert sett same krav til underleverandørar som til Tenesteytar sjølv. Dokumentasjon tilsvarende som i anbudsprosessen må leggjast fram før underleverandørar kan godkjennast.

Ved bruk av underleverandør har Tenesteytar same ansvar for oppfylling av kontrakten som når han utfører tenesta sjølv. Unntaksvis i korte periodar ved sjukdom, ferie, eller tilsvarende kan Tenesteytar bruke underleverandør utan godkjenning dersom dette vert avklåra munnleg med Voss herad.

C.7. Krav til løn

Leverandøren skal syte for at tilsette i eigen organisasjon og tilsette hos eventuelle underleverandørar ikkje har dårlegare løns- og arbeidsforhold enn det som følgjer av minstelønssatsar for bransjen i Norge. Leiaren av verksemda er ansvarleg for at denne regelen vert etterlevd.

Alle avtaler leverandøren inngår som inneber utføring av arbeid under denne kontrakten skal innehalde tilsvarende føresegner.

Dersom leverandøren ikkje etterlever klausulen, har oppdragsgjevaren rett til å halde tilbake delar av kontrakt summen til det er dokumentert at forholdet er i orden. Summen som blir tilbakehalden skal svare til ca. 2 gonger innsparinga for arbeidsgjevaren.

Leverandøren skal på oppmoding leggje fram dokumentasjon om dei løns- og arbeidsvilkåra som vert nytta. Dokumentasjonsplikta omfattar også underleverandørar.

D. KRAV TIL MASKINAR OG UTSTYR

D.1. Generelt

Tenesteytar er sjølv ansvarleg for å halde eigna maskinar og utstyr. Tenesteytar skal bruke det utstyret det vert gjort oppgåve for i tilbodet. Dersom utstyr vert skifta ut skal dette straks rapporterast til Voss herad. Det nye utstyret må minst svare til dei kvalitetane /kapasitetane som utstyret som vart lagd til grunn i anbodet.

Tenesteytar er sjølv ansvarleg for lagring, drift og vedlikehald av maskinar og utstyr.

Maskinar og utstyr skal haldast i god stand, forsikra og sertifisert og elles svare til generelle krav sett i pkt C *Krav til tenesteytar*,

D.2. Minimumsutrustning snøbrøyting

For snøbrøyting av samleveggar, gater, busstrasear og tilkomst/adkomstveggar vert fylgjande utstyr /kapasitetar sett som minimumskrav:

- Traktor eller anleggsmaskin med 4-hjulstrekk og kjetting/piggdekk, ikkje meir enn 10 år gammal.
- Min 90 hk (ca. 67 kW)
- Blinkande gult varsellys jf. vegtrafikklova og handbok N301 "Arbeid på og ved veg"
- Brøytelys jf. vegtrafikklova og handbok N301 "Arbeid på og ved veg"
- Eige bakmontert brøyteskjer, vridbart, effektiv arbeidsbreidd min 2,2 m, ikkje meir enn 10 år gammalt. Minimum høgde: 50 cm
- Heradet held ikkje utstyr, men har nokre plogar som kan kjøpast til fordelaktig pris.

Aktuelt tilleggsutstyr kan vere:

- Lesseapparat med skuff
- Eigen snøplog
- Snøfres

For spesielle vegar og plassar, fortau, gang og sykkelveggar vert det ikkje regulert minimumsutrustning.

D.3. Minimumsutrustning strøing

For sandstrøing av samleveggar, gater, busstrasear og tilkomst/adkomstveggar vert fylgjande utstyr /kapasitetar sett som minimumskrav:

- Traktor eller anleggsmaskin med 4-hjulstrekk og kjetting/piggdekk, ikkje meir enn 10 år gammal.
- Min 90 hk (ca 67 kW)
- Blinkande gult varsellys jf. handbok N301 "Arbeid på og ved veg"
- Strøapparat, effektiv arbeidsbreidd min 2,2 m, ikkje meir enn 10 år gammalt.
- Fukt og frostfri lagringsplass for strøsand (kommunen held sand)

For spesielle vegar og plassar, fortau, gang og sykkelveggar vert det ikkje regulert minimumsutrustning.

D.4. Kommunal plog eller anna strø- og brøyteutstyr

UTGÅR.

D.5. Dispensasjon frå vegtrafikklova

Tenesteytar er sjølv ansvarleg for å skaffe, og til ei kvar tid sette vilkår for, dispensasjonar frå krav etter vegtrafikklova som er nødvendige for å utføre tenesta. Vanlegvis er det nødvendig med dispensasjon frå krav til største breidd, 2,45 m. Det er Regionvegkontoret (Statens Vegvesen Voss og Hardanger i Bømoen) som gir slik dispensasjon. Voss herad kan hjelpe til med søknaden.

D.6. Arbeidsvarsling

Tenesteytar er sjølv ansvarleg for nødvendig arbeidsvarsling ut over gult blinkande varsellys jf. handbok N301 “Arbeid på og ved veg” – Statens vegvesen. Dette kan t.d. vere nødvendig ved rydding av snø i kryss, sterkt trafikkerte områder eller uoversiktlege parti. Arbeidsvarsling skal på førehand godkjennast av Voss herad.

E. VILKÅR FOR TENESTA OG GODTGJERSLE

E.1. Tenestenivå /kvalitet

Tenestenivået og utstrekning av sesongen vert fastsett etter den til ei kvar tid gjeldande strø- og brøyteinstruksen. Vegar og anna som inngår i roden kjem fram av den til ei kvar tid gjeldande veglista, og i tillegg dei til ei kvar tid gjeldande avtalane der Voss herad tar på seg strøing og/eller brøyting for andre.

Voss herad kan endre instruksen og veglista og avtalar med andre i kontraktperioden, men ikkje slik at det fører til utilbørleg auka arbeidsmengd, sviktande inntektsgrunnlag eller vesentleg endra rammevilkår for tenesteytar.

E.2. Representant for Voss herad

Tenesteytar skal setje Voss herad sine interesser framfor sine egne i omtale og framferd overfor publikum. Dette gjeld også omsyn til vegen, Voss herad eller tredjepart sin eigedom, liv eller køyretøy.

E.3. Plikt til å undersøke og overvake

Tenesteytar har plikt til å gjennomgå og gjere seg kjend med roden(ane) og tilhøve som kan verke inn på tenesta før sesongen startar kvart år.

Tenesteytar har alltid plikt til å snarast å melde frå om feil og skadar eller andre tilhøve som kan ha innverknad på utføring av tenesta, framkomst eller trafikktryggleiken. Skade på annan manns eigedom innmeldt til Voss herad skal utbetrast i flg. pkt E.6.

Tenesteytar har plikt til å vere oppdatert på vêrmeldingar og om nødvendig gjere fysiske undersøkingar av tilhøva til ei kvar tid i sesongen.

E.4. Val av utstyr og metode

Tenesta skal utførast så effektivt og totaløkonomisk gunstig for Voss herad som kontrakten og tilhøva tillet.

Så langt råd skal snøbrøyting utførast med minimumsutrustinga jf. pkt. *D Krav til maskinar og utstyr*, normalt traktor med skjer eller plog.

Snøfres skal berre nyttast etter avtale med Voss herad. Tenester med fres utan avtale vert ikkje godtgjort, jf. pkt. G1 – G5.

Tenesteytar skal snarast varsle Voss herad når det oppstår problem med tjukk snø- og issole eller brøytekantar som hindrar sikt eller utslag av snø med skjer/plog. Desse skal Voss herad normalt ta bort med eige brøyteutstyr (veghøvel). Ein kan og avtale frå tilfelle til tilfelle at tenesteytar utfører dette med eigna tilleggsutstyr, t.d. snøfres.

E.5. Kontaktinformasjon/ tilgjengelegheit

Tenesteytar skal utnemne ein person som er ansvarleg for gjennomføring av kontrakten. Denne personen skal vere tilgjengeleg på tlf. til ei kvar tid under sesongen slik den vert definert i brøyte- og strøinstruksen. Denne personen må vere brøytar, eller ha direkte kontakt med brøytarar, slik at turvande tiltak vert sett i verk straks når dette er naudsynt.

Tenesteytar er ansvarleg for at Voss herad får tilgang til oppdaterte kontaktdata til føretaket, brøytarar og ev. andre kontaktpersonar.

Kommunikasjon vedkommande utføring av tenesta vil normalt gå føre seg pr. tlf. eller e-post.

Viktig kommunikasjon vedkommande kontraktstilhøve skal vere skriftleg.

Dersom Tenesteytar har oppgitt e-postadresse vert e-post kommunikasjon rekna for skriftleg.

E.6. Skadar

Tenesteytar er sjølv ansvarleg for ev skadar på eige, Voss herad eller tredjepart sin eigedom, liv eller køyretøy som oppstår som fylgje av tenesta. Tenesteytar skal halde naudsynnte forsikringar slik det kjem fram i pkt. C.5 *Forsikring*.

Tenesteytar skal utan ugrunna opphald rette eller erstatte skadar som oppstår som fylgje av tenesta. Dersom så ikkje vert gjort kan Voss herad rette eller erstatte skaden for Tenesteytar si rekning.

E.7. Godtgjersle for snøbrøyting og strøing

- Beredskapstillegg vert ytt i like ratar etterskotsvis for kvar månad i sesongen.
- Forutan beredskapstillegget vert det normalt ikkje ytt fastgodtgjersle.
- For snøbrøyting, snørydding, opplasting, bortkøyning osv. vert det ytt godtgjersle pr. utførte time etterskotsvis for kvar månad i sesongen, jf. timesatsar i tilbodet.
- For sandstrøing vert det ytt godtgjersle pr. utførte time, etterskotsvis for kvar månad i sesongen, jf. timesatsar i tilbodet.
- For transport til eller frå arbeidsstaden før og etter tenesta vert utført vert det ikkje ytt godtgjersle, verken for timeverk eller utkøyrde kilometer. Det vert ytt same godtgjersle som for tenesta elles for ev køyring/køyretid mellom fleire tenesteområde under utføring av tenesta.

E.8. Beredskapstillegg

Beredskapstillegget er ei godtgjersle for at den som er ansvarleg for kontrakten må vere tilgjengeleg til ei kvar tid i sesongen slik sesongen vert definert i brøyte- og strøinstruksen.

Beredskapstillegg vert ytt i like ratar etterskotsvis for kvar månad i sesongen.

E.9. Fakturering og betalingsrutinar

- Tenesteytar skal fakturere ytingane han har krav på etterskotsvis kvar månad og innan utgang av etterfylgjande månad. Faktura vert normalt tilvist og utbetalt 30 dg etter at han er registrert hjå Voss herad. Bortsett frå ratar av fastpriselement skal faktura, eller underbilag, innehalde detaljert oppgåve rode for rode over:
 - dag og tid for start og stopp
 - mengd/timar
 - type utstyr/ arbeid
 - einingspris
 - Voss herad utarbeider strø- og brøytekort som kan nyttast.
- Timar skal reknast pr. fullførte heile og/eller halve timeverk.
- Faktura med feil vert ikkje tilvist og utbetalt før det føreligg kreditnota og rett faktura.
- Det vert ikkje utbetalt tillegg for ”overtid, ulempe” eller liknande.
- Faktura for tenester utført i sesongen fram til nyttår må vere Voss herad i hende seinast 10. januar. Krav for tenester utført i sesongen fram til nyttår, men som ikkje vert fakturert innan denne fristen vert ikkje betalt.
- Faktura for tenester utført i sesongen etter nyttår må vere Voss herad i hende seinast 15 mai. Krav for tenester utført i sesongen etter nyttår, men som ikkje vert fakturert innan denne fristen vert ikkje betalt.

E.10. Kontroll av tenestenivå

Voss herad skal jamleg føre kontroll med at tenestene vert levert i samsvar med kontrakten og brøyte- og strøinstruksen.

Tenesteytar pliktar så langt råd er å delta på slike kontrollar.

E.11. Indeksregulering

Prisane, jf. tilbod, skal indeksregulerast årleg pr. 1. september (20XX K2) for endringar etter Statistisk Sentralbyrå sin *Kostnadsindeks for drift og vedlikehold av veger - Vinterdrift av veger*. Basis for kontrakten er 2019 K2 (statistikk etter 2. kvartal)

Prosentvis endring vert rekna ut slik;
$$\frac{(\text{Indeks 20XX K2} - \text{Indeks 2019 K2})}{\text{Indeks 2019 K2}}$$

(Utrekning: $\text{Pris 2019} \times 1, \text{endring} = \text{Pris 20XX}$)

Både fast godtgjersle, beredskap og timeprisar skal justerast. Krav frå tenesteytar for manglande eller feil indeksregulering av tilbakelagte brøytesesongar fell bort (vert ikkje utbetalt!).

E.12. Manglar og misleghald

Ein kvar feil eller manglande etterleving av kontrakten og instruksen er å sjå på som ein mangel. Skadar jf, pkt, *E.6 Skadar* vert også rekna som mangel. Tenesteytar skal utan ugrunna opphald rette seg etter Voss herad sine pålegg om retting eller endring av utføring/rutinar. Pålegg kan framsetjast munnleg med etterfølgjande e-post, og skal ha rimeleg frist for retting. Dersom Tenesteytar ikkje rettar seg etter pålegg innan fristen kan Voss herad syte for å få tilhøvet retta for Tenesteytar sin kostnad.

I tilfelle som er grove, representerer stor verdi eller elles vert vurdert særleg viktige, skal Voss herad snarast sende skriftleg irettesetjing om tilhøvet.

Som misleghald vert rekna (forutan slik det kjem fram i pkt. *B.6 Heving av kontrakten*):

- To tilfelle der Voss herad ser seg nøydd å sende skriftleg irettesetjing same sesong.
- Manglande vilje/evne til å rette seg etter påbod
- Der Tenesteytar brukar utstyr eller metodar for å oppnå betre økonomisk vinning for eigen del som samtidig fører til auka kostnad for Voss herad.
- Der Tenesteytar strør eller brøyter med eit vesentleg høgare tenestenivå enn slik det kjem fram i strø- og brøyteinstruksen.
- Der tenesteytar gir gale opplysningar eller bryt føresegnene i tilbodsgrunnlaget. Særleg gjeld dette når leverandør oppnår økonomisk vinning ved å unnlata å overhalde sine plikter i høve til offentlege styresmakter.

Ved misleghald av kontrakten kan Voss herad

- Heve eller re-forhandle kontrakten jf. pkt. *B.6 Heving av kontrakten*
- Krevje tap som fylgje av misleghaldet erstatta. Dette gir rett til inn til 50% trekk av faktura fortløpande inn til kravet er erstatta. Tap kan bereknast skjønsmessig.
- Sette Tenesteytar heilt eller delvis under administrasjon varig eller i ein kortare periode. Dette inneber t.d. rett til å avgjere når det skal brøytast, og ev kalle ut mannskap direkte.

F. STRØ- OG BRØYTEINSTRUKS 2020 – 2024

F.1. Sesong

Sesongen regulerer kontraktar og beredskap. Strøing og brøyting vert normalt ikkje utført utanfor sesongen. Det er sett fylgjande sesongar for strøing og brøyting:

SESONG	Rodar lågare enn 200 moh	Rodar der heile eller delar er høgare enn 200 moh
BRØYTING	1.desember - 31. mars	1. november - 31. mars
STRØING	1. november - 31. mars	1. oktober - 31. mars

* ved påske i april gjeld sesongen til og med påske. Det vert ikkje utbetalt beredskap for tillegget.

Ved særlege tilfelle kan Voss herad beordre tenester utanom sesongen.

F.2. Brøyteinstruks

Det offentlege kommunale vegnettet skal normalt haldast rydda for snø i ei slik utstrekning at normalt godt utrusta køyretøy kan ferdast sikkert der dei måtta ha trong for det.

Ved vanskelege vêrtilhøve, særleg ved skifte til mildvêr, kan det likevel førekomme vanskelege køyretilhøve og avvik.

BRØYTEINSTRUKS 2020 - 2024/25	Skal vere rydda kl.	Start brøyting ved snødjupn		Gjennombrøyt innan snødjupn	
		Turr snø	Våt snø	Turr snø	Våt snø
Samleveg, gater og busstrasear	0630-0630** (0800 - 0800* ' **)	12 cm	8 cm	25 cm	25 cm
Tilkomstveg	0630-2300 (0800 - 2300*)	15 cm	10 cm	25 cm	25 cm
Fortau, gang og sykkelveg	0630-2300 (0800 - 2300*)	15 cm	10 cm	25 cm	25 cm
Private vegar og anna etter avtale	0630-2300 (0800 h-dag*)	15 cm	10 cm	25 cm	25 cm

* Tider i parentes gjeld alle heilag dagar og sundagar jf kalenderen (alle raude dagar)

** Gjeld ved snøfall gjennom natta og som varar ved til neste døger.

- Ved trong for prioritering skal vegklassane prioriterast frå øvst til nedst i tabellen. Elles skal alle vegane på roden gjennombrøytast etter den mest effektive ruta.
- Dersom berre delar av roden krev snøbrøyting etter instruks, skal berre denne delen brøytast.
- Ved vêromslag til regn skal ein vurdera å avgrensa brøyteaktiviteten. Det skal ikkje utan avtale brøytast bort våt snø som avdekkar ein farleg snø/issle som krev strøing straks etter.
- Ved melding om tungt/ langvarig snøfall kan ein vurdera å starta snøbrøyting før 12/15cm.
- Snøbrøytinga skal elles skje i samråd med vedkomande vegvaktar.
- Bommar på G/S skal stå opne i brøytesesongen.

F.3. Måling av snødjupn

Snødjupn skal målast ved å legge ein 1,5 m lang rettholt vinkelrett på køyreretninga, kor som helst i køyrebana. Rettholten skal trykkast ned til vegdekket eller til fast snø-issle.

Dersom snødjupna er større enn kravet langs meir enn halve rettholten skal det brøytast.

F.4. Strøinstruks

(Gjeld ikkje dersom det ikkje vert løyvd midlar til å gjere gjeldande opsjonen for strøing)

Det offentlege kommunale vegnettet skal normalt vere strødd i ei slik utstrekning at normalt godt utrusta køyretøy kan ferdast sikkert der dei måtta ha trong for det. Gode piggdekk vert rekna som normalt god utrusting. Ved vanskelege vêrtilhøve, særleg ved rimfrost og skifte til mildvêr, kan det likevel førekomme vanskelege køyretilhøve og avvik.

STRØINSTRUKS 2020 - 2024	Skal vere strødd kl	Punktstrøing (i kurvar, bakkar, kryss)	Heilstrøing (på turvande strekningar)
Samleveg, gater og busstrasear	0630 (0800*)	Rimfrost og $\mu < 0,30 \approx$ tørr is	$\mu < 0,20 \approx$ våt is, og våt snø/issle
Tilkomstveg	0630 (0800*)	Rimfrost og $\mu < 0,30 \approx$ tørr is	$\mu < 0,20 \approx$ våt is, og våt snø/issle
Fortau, gang og sykkelveg	0630 (0800*)	Rimfrost og $\mu < 0,30 \approx$ tørr is	$\mu < 0,20 \approx$ våt is, og våt snø/issle
Private vegar og anna etter avtale	Vert ikkje strødd !		

* Tider i parentes gjeld alle heilagdagane og sundagar jf kalenderen (alle raude dagar)

- μ = friksjonskoeffisient. Samanlikningane i tabellen er ikkje absolutte.
- $\mu = 0,3$ svarar til ei gjennomsnittleg bremselengd på omlag 30 - 35 m ved 50 km/t
- $\mu = 0,2$ svarar til ei gjennomsnittleg bremselengd på om lag 60 - 65 m ved 50 km/t
- Det skal vanlegvis berre strøast inn til ein gong pr døger.
- Det skal vanlegvis strøast med knust strøsand innanfor fraksjon 2 - 8 mm.
- Det vert ikkje strødd med salt. Strøsand kan vere blanda i litt salt for å unngå frysing i lager.
- Ein skal vere tilbakehalden med strøing på rimfrost på asfalt då strøanden fort vert køyrd ut av hjulspora/ køyrebana.
- Ved trong for prioritering skal bussvegane prioriterast først, deretter fortau, sykkel og gangstiar før dei andre vegklassane.

G. VEDLEGG

Skal sendast inn med tilbodet

G.1.Eigenerklæring om helse, miljø og sikkerheit (HMS)

(Gjeld berre for verksemdar med ein eller fleire tilsette)

Denne stadfestinga gjeld:

Føretak:	Organisasjonsnr:
Adresse:	Land:
Postnr:	Poststad:

____ Eg stadfester med dette at denne verksemda arbeider systematisk for å oppfylle krava i helse-, miljø- og sikkerheitslovgivinga og ved det tilfredsstiller krava i forskrift om systematisk helse-, miljø- og sikkerheitsarbeid i verksemd (internkontrollforskrifta).¹

____ Eg stadfester med dette at verksemda er lovleg organisert etter gjeldande skatte- og arbeidsmiljøregelverk når det gjeld dei tilsette sine faglege og sosiale rettar. Eg aksepterer at oppdragsgjevar etter oppmoding vil få rett til å gå gjennom og verifisere verksemda sitt system for å ta vare på helse-, miljø- og sikkerheit.

Stad/Dato:	Dagleg leiar: (sign)
------------	-------------------------

____ Eg stadfester med dette at det er sett i verk systematiske tiltak for å oppfylle krava i helse-, miljø- og sikkerheitslovgivinga som nemnd over.

____ Talet på tilsette

Stad/Dato:	Repr for dei tilsette: (sign)
------------	----------------------------------

For utanlandske oppdragstakarar gjeld fylgjande: Eg stadfester med dette at det ved utarbeiding av tilbodet er tatt omsyn til helse-, miljø- og sikkerheitslovgjevinga som følg av forskrift om systematisk helse-, miljø- og sikkerheitsarbeid i verksemdar (internkontrollforskrifta), fastsett ved kgl. res. 6. desember 1996 i medhald av lov 17. juni 2005 nr. 62 om og arbeidsmiljø, arbeidstid og stillingsvern mv. Eg aksepterer at oppdragsgjevar etter oppmoding vil bli gitt rett til å gjennomgå og verifisere verksemda sitt system for å ta vare på helse-, miljø- og sikkerheitsarbeid.

¹ Fastsett ved kgl.res. 6. desember 1996 nr. 1127 i medhald av lov 17. juni 2005 nr. 62 om og arbeidsmiljø, arbeidstid og stillingsvern mv.

G.2.Prisskjema enkeltroder

Skal sendast inn med anbudet

Føretak:	Dato:	Signatur:
Dette skjemaet gjeld følgjande rode/rodar (kopier fleire ved behov):		

Type	Eining	Mengd	Einings pris
1. Beredskapstillegg	Pr mnd ¹	RS	2 575,-
2. Brøyting med eige skjær eller snøplog	Pr time	Variabel	
Tilleggsutstyr			
3. Brøyting med eigen fres	Pr time	Variabel	
4. Snørydding med lesseapparat og skuff	Pr time	Variabel	
5. Snørydding med bakmontert skuff	Pr time	Variabel	
6. Anna:	Pr time	Variabel	
Opsjon			
Sandstrøing med eige strøpparat	Pr time	Variabel	

¹ Beredskapstillegg vert ytt pr kontrakt pr. mnd i sesongen, jf. E.8 Beredskapstillegg

² Brøyting med eige skjær eller plog er å rekne som minimumsutstyr og skal prisast likt.

Det er ikkje høve til å gje alternative tilbod med vilkår.

G.3.Oppgåve over maskin og utstyr

Traktor/ anleggsmaskin	Merke og type:		HK / (kW):
Traktor/ anleggsmaskin	Årsmodell:		Reg.nr:
Brøytar	Namn:		Mob:
Eige skjær	Merke og type:	Høgde:	Arbeidsbreidd:
Eigen fres	Merke og type:		Arbeidsbreidd:
Eigen snøplog	Merke og type:		Arbeidsbreidd:
Lesseapparat	Merke og type:		Kapasitet skuff:
Bakm. skuff	Merke og type:		Breidd/ kapasitet:
Anna	Merke og type:		Kapasitet:

Merknad

G.4.Alternativt prisskjema - Rodegrupper

Kan sendast inn med tilbodet

Føretak:	Dato:	Signatur:
Dette skjemaet gjeld følgjande rodegruppe/grupper (kopier fleire ved behov):		

Type	Eining	Mengd	Einings pris
1. Beredskapstillegg	Pr mnd ¹	RS	2 575,-
2. Brøyting med eige skjær eller snøplog	Pr time	Variabel	
Tilleggsutstyr			
3. Brøyting med eigen fres	Pr time	Variabel	
4. Snørydding med lesseapparat og skuff	Pr time	Variabel	
5. Snørydding med bakmontert skuff	Pr time	Variabel	
6. Anna:	Pr time	Variabel	
Opsjon			
Sandstrøing med eige strøpparat	Pr time	Variabel	

¹ Beredskapstillegg vert ytt pr kontrakt pr mnd i sesongen, jf E.8 Beredskapstillegg² Brøyting med eige skjær eller plog er å rekne som minimumsutstyr og skal prisast likt.

Det er ikkje høve til å gje alternative tilbod med vilkår.

G.5.Oppgåve over maskin og utstyr

Traktor/ anleggsmaskin	Merke og type:		HK / (kW):
Traktor/ anleggsmaskin	Årsmodel :		Reg.nr:
Brøytar	Namn:		Mob:
Eige skjær	Merke og type:	Høgde:	Arbeidsbreidd:
Eigen fres	Merke og type:		Arbeidsbreidd:
Eigen snøplog	Merke og type:		Arbeidsbreidd:
Lesseapparat	Merke og type:		Kapasitet skuff:
Bakm. skuff	Merke og type:		Breidd/ kapasitet:
Anna	Merke og type:		Kapasitet:

Merknad

G.6.Oppgave over kompetanse.

Skal sendast inn med tilbodet

Føretak:	Dato:	Signatur:
----------	-------	-----------

Dersom ein har anna oppgåve over kompetanse kan ein nytte den.

Personar som utgjer grunnlaget for kompetansen i føretaket:

[illegible]

Relevante referanseprosjekt/tenesteoppdrag

[illegible]

Merknad/ anna

[illegible]

